



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM

Komisija za ljudska prava, imigraciju, izbjeglice i azil

Broj: 01/5-011-172/01.

Sarajevo, 11.travnja 2001.

Z A P I S N I K

sa 3. sjednice Komisije za ljudska prava, imigraciju, izbjeglice i azil,
održane 11. travnja 2001. godine

Trećoj sjednici Komisije prisustvovali su: Osman Brka, predsjedatelj, Bahrija Osmanović, Muhamed Begović, Violeta Kamberović, Omer Filipović, Miloš Jovanović i Nedžad Šašivarević, članovi Komisije. Odsustvovali su članovi Komisije Dušan Stokić i Miro Grabovac – Titan.

Sjednici su bili nazočni: gospođa Kadrija Haračić - Šabić, zamjenik ministra za ljudska prava i izbjeglice, Salko Beba, u ime ministra socijalne politike, raseljenih lica i izbjeglica u Vladi Federacije BiH i Jasmin Samardžić, pomoćnik ministra za izbjeglice i raseljena lica u Vladi Republike Srpske.

Za sjednicu Komisije usvojen je sljedeći

D N E V N I R E D:

1. Konzultacije i dogovor o međusobnoj koordinaciji u domenu zaštite ljudskih prava sa ministrima za ljudska prava na razini države i entiteta,
2. Dogovor o posjetama određenim mjestima na terenu,
3. Razmatranje Prijedloga zakona o pravima etničkih i nacionalnih zajednica ili manjina u Bosni i Hercegovini (predlagač g. Ibrahim Spahić),
4. Usvajanje Zapisnika sa 2. sjednice Komisije,
5. Tekuća pitanja.

Ad – 1: Konzultacije i dogovor o međusobnoj koordinaciji u domenu zaštite ljudskih prava sa ministrima za ljudska prava na razini države i entiteta,

U uvodu u raspravu po prvoj točki dnevnog reda predsjedatelj Komisije g. Osman Brka napomenuo je da je ova sjednica sazvana kako bi Komisija sa resornim ministarstvom Bosne i Hercegovine i resornim ministarstvima entiteta razamijenila mišljenja i uskladila aktivnosti iz domena nadležnosti. Rekao je da je Komisija prethodnog saziva imala određenih teškoća u radu. Istaknuo je da se ovoj komisiji Doma mora dati značaj i da će se nastojati da se dostigne dotle da iza svakog građanina u Bosni i Hercegovini stoji država Bosna i Hercegovina. Predsjedatelj je upoznao Komisiju da od Ministarstva za ljudska prava i izbjeglice BiH nismo još dobili informaciju koju smo tražili zahtjevom Komisije od 20. ožujka ove godine.

U diskusiji su sudjelovali svi članovi Komisije, kao i predstavnici svatri ministarstva. Pored ostaloga, u diskusijama je istaknuto:

- Komisija za ljudska prava Predstavničkog doma je komisija najvišeg organa zakonodavne vlasti i njeni zahtjevi bi se morali respektirati;
- Komisija treba tijesno da surađuje s resornim ministarstvima Bosne i Hercegovine i entiteta;
- Bilo bi potrebno uspostaviti i saradnju sa komisijama za izbjeglice entitetskih parlamenata;
- Potrebno je da Komisija posjeti najkritičnija mjesta u Bosni i Hercegovini;
- Komisija treba da doprinese maksimalnoj koordinaciji izvršne vlasti entiteta i države. U tom smislu članovi Komisije Doma treba da budu na terenu, zajedno sa komisijama entitetskih parlamenata, s ciljem da na terenu sprovodi zakonodavnu vlast;
- Planovi entiteta o povratku treba da budu uvezani, a državni plan da predstavlja siže entitetskih planova.

Predstavnik Ministarstva za izbjeglice i ljudska prava u Vijeću ministara BiH, gospođa Kadrija Haračić – Šabić upoznala je Komisiju da državno ministarstvo ima svoje aktivnosti koje planski provodi. Kazala je da od ove komisije oni očekuju da ih kritikuje, da ukazuje na probleme i da su ih oni onda spremni rješavati. Izrazila je spremnost Ministarstva da pruži sve informacije koje Komisija traži i da su spremni na sve vidove suradnje. Što se tiče zahtjeva Komisije na koji nije odgovoreno, kazala je da ona taj zahtjev nije vidjela, te da je moguće da se negdje zagubio prilikom selidbe Ministarstva. Predložila da se ponovo dostavi i da će odmah dostaviti traženu informaciju. Naglasila je da je dosadašnji rad Ministarstva bio drugačiji i da se sada pokušava uspostaviti svestrana aktivnost u njegovoj nadležnosti.

Predstavnik Federalnog ministarstva, g. Salko Beba, upoznao je Komisiju da je u Vladi Federacije u fazi donošenje plana povratka izbjelih i raseljenih lica, te da su u pripremi i izmjene Zakona o izbjeglicama. Kazao je da je Federalno ministarstvo spremno na sve vidove suradnje sa Komisijom Doma i da oni Komisiji u svemu stoje na raspolaganju. Izrazio je zadovoljstvo što će Komisija sudjelovati u posjetama na terenu i rekao da će Ministarstvo biti na usluzi u tom smislu.

Predstavnik resornog ministarstva u Vladi Republike Srpske, g. Jasmin Samardžić, je takođe istaknuo da su spremni na svaku suradnju sa Komisijom Doma. Naglasio je da je dosadašnji rad pokazao da su najbolji rezultati postignuti tamo gdje je dobra koordinacija.

Član Komisije g. Nedžad Šašivarević, upoznao je Komisiju da je Vlada RS predložila Narodnoj skupštini na usvajanje Program rješavanja problema izbjeglih i raseljenih lica. Predložio je da ga dostvi članovima Komisija kako bi ga na jednoj od narednih sjednica razmatrali.

Predsjedatelj Komisije, g. Osman Brka, izrazio je zadovoljstvo što su se pozivu Komisije odazvali predstavnici svatri ministarstva. Naglasio je da će komisija od sada intenzivno raditi i da će od ministarstava tražiti neophodne informacije. Preporučio je da Ministarstva i sama, kad procijene da je potrebno, informiraju ovu komisiju o pitanjima koja bi mogla biti korisna za Komisiju s obzirom na njene nadležnosti. .

Ad – 2: Dogovor o posjetama određenim mjestima na terenu,

Predsjedatelj Komisije je, u uvodu, kazao da Komisija još nema uvida u stanje na terenu i da zbog toga nema određenog programa posjeta. Zatražio je da ministarstva, ako

imaju neki svoj plan, Komisiju informiraju, te da se tu možda uključe i članovi ove komisija.

Predstavnik državnog ministarstva, g-đa Šabić, rekla je da oni svakako imaju svoj plan, te da bi bilo bolje da oni Komisiju informiraju, a da Komisija onda ide po svome planu, da se ne bi išlo zajedno.

G. Salko Bebo je naglasio da je najviše problema u šatorskim naseljima (u Goraždu postoji multietničko šatorsko naselje). Istaknuo je da je u BiH izražen problem nedostatka sredstava. Predložio je da državna komisija možda inicira ovaj problem kod Visokog predstavnika ili kod američkog ambasadora. Predložio je da predstavnici Komisije budu gosti Federalnog ministarstva. Što je do njih, rekao je da će ići, ali da ima mnogo problema na koje oni ne mogu utjecati.

Gospodin Samardžić je rekao da bi bilo korisno posjetiti Gradišku gdje su izbjeglice iz Hrvatske. Istaknuo je problem nedostatka suradnje sa Donjim Vakufom i zatražio pomoć za uspostavljanje te suradnje.

Na kraju diskusije po ovoj točki zaključeno je da se entitetskim ministarstvima uputi dopis kojim će se zatražiti pregled najkritičnijih mjesta gdje su najizraženiji problemi raseljenih osoba i narušavanja ljudskih prava uopće, kako bi se sačinio plan posjeta, u suradnji s entitetskim ministarstvima i srodnim komisijama entitetskih parlamenata.

Predstavnici ministarstava su sa zadovoljstvom prihvatili ovaj zaključak i obećali da će Komisiji odmah odgovoriti na njen dopis.

Ad – 3: Razmatranje Prijedloga zakona o pravima etničkih i nacionalnih zajednica ili manjina u Bosni i Hercegovini (predlagač g. Ibrahim Spahić),

Predsjedatelj je konstatirao da ovog puta Komisija samo informativno prima k znanju ovaj zakonski prijedlog, tim prije što je predlagač istog poslanik prethodno saziva.

Zauzet je stav da se na Kolegiju sugerira da se od Vijeća ministara zatraži mišljenje o ovom zakonu, imajući u vidu da ga je predložio zastupnik prethodnog saziva. Komisija je mišljenja da bi za sve zakonske prijedloge, za koje nisu predlagači Vijeće ministara ili Predsjedništvo BiH, trebalo da se izjasni Vijeće ministara.

Ad – 4 Usvajanje Zapisnika sa 2. sjednice Komisije,

Zapisnik sa 2. sjednice Komisije usvojen je jednoglasno.

Ad – 5: Tekuća pitanja

U okviru ove točke dnevnog reda Komisija je raspravljala:

a) o žalbi Bajrić dr Samira i drugih na rješenje Federalnog ministarstva za zdravstvo o dodjeli specijalizacija.

Zauzeto je stajalište da se od Federalnog ministarstva zdravstva zatraži informacija u svezi s navodima žalbe, kao i da se žalioци o ovom stavu obavijeste.

b) Izražen je problem apstinencije drugog zamjenika predsjedatelja Komisije, g Mire Grabovca – Titana. Postavilo se pitanje da li birati drugog člana. Međutim, budući da ni u drugim organima još nije zauzeto jasano stajalište u svezi s izostajanjem kadrova

HDZ-a, Komisija je zauzela stajalište da se i za ovo pitanje u Komisiji još izvjesno vrijeme sačeka.

c) Članovi Komisije iznijeli su problem parkiranja automobila zastupnika prilikom dolaska na sjednice.

Zaključeno da se svim poslanicima obezbijedi dozvola za parkiranje kod zgrade institucija Bosne i Hercegovine. Zadužen tajnik Komisije da ovo pitanje animira kod nadležnih osoba.

Ovim je završen rad Treće sjednice Komisije za ljudska prava, imigraciju, izbjeglice i azil.

TAJNIK KOMISIJE
Rajka Stanišić

PREDSJEDATELJ KOMISIJE

Osman Brka

